



C40  
4514  
(170)





C40-4014

了翁上座請大猷及有  
家書置我於紫雲山  
我微笑塔院正席中永  
為學者不敢許出院內  
當山二世鐵牛機謹誌



B 64853



皇圖鞏固 帝道遐昌  
佛日增輝 漢輪常轉

虎丘隆和尚語錄

目錄

住和州開聖禪院語錄

宣州彰教禪院語錄

平江府虎丘雲巖禪寺語錄

真贊



虎丘隆和尚語錄

叅學嗣端等編

任和州開聖禪院語錄

師初住和州開聖禪院開堂日於知府手中接疏示衆云竊諸玄辯竭世樞機百千法門無量妙義總在箇裏不隔一絲頭若也薦得不用重說偈言其或未  
然切須分明聽取師陞座拈香云此一瓣香恭爲今  
上皇帝祝延聖躬萬歲萬歲次拈香云此一瓣香  
奉爲知府朝議通判大夫闔郡尊官伏願福溪滄海  
壽等椿松末後拈香云此一瓣香大人疑著三十

年出一叢林入一寶社遇賤則貴遇貴則賤末後撞  
著箇無面目老子向命脉上一割不覺從空放下如  
今不免對衆拈出奉爲見住潤州金山佛果圓悟禪  
師大和尚用報法乳之恩上晉白槌云法筵龍象衆  
當觀第一義師云坐釣四海祇釣鯨鯨離釣三寸莫  
有道得底出來道看時有僧出問朝旆證明且爲國  
一句作麼生道師云一願皇帝萬歲二願羣臣千秋  
僧云只如生佛未興時一著落在什麼處師云吾常  
於此切僧云恁麼則擺手出長安也師云逢人不得  
鎔舉僧云爭柰目前何師云識法者懼僧云官不容

針私俗一問時如何師云據虎頭收虎尾僧云中間  
事作麼生師云草繩自縛漢僧云豈不見毗婆尸佛  
早留心直至如今不得妙師云幾行岳下路不見白  
頭人僧禮拜師乃云大衆我本無心有所希求今此  
法王大寶自然而至敢問諸仁作麼生說箇法王大  
寶驀豎起拂子云還見麼若也於此辨得三世諸佛  
以此接物利生歷代祖師以此派通正脉天下老和  
尚以此揭示頂門正眼破塵蔽的萬古徽猷徧界徧  
空真風不墜如天普蓋似地普擎堪報不報之恩用  
助無爲之化澄澄炎彩瑩徹十虛堯日與佛日增輝

金輪共法輪並轉生凡育聖統三界以爲家自利利  
人作四生之依怙隨緣赴感靡不由他如鑑當臺舉  
無遺照大中現小小中現大卷舒立方外乾坤縱橫  
掛域中日月如斯舉唱猶落今時豈不見長沙道三  
世諸佛共法界衆生盡是摩訶般若光光未發時尚  
無佛無衆生消息只如尃未發時諸人向甚處委悉  
直饒向箇裏悟去未免平地喫交且安家樂業一句  
作麼生道很煙一掃盡萬方賀太平

叙謝不錄

復舉阿育王問賓頭盧尊者承聞尊者親見佛來是  
否尊者以兩手策開眉毛良久云會麼王云不會尊

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

者云阿耨達池龍王請佛齋吾亦預數師云賓頭盧  
得大機顯大用不謾親見佛來雖然賴阿育王放過  
若不放過洎合打失眉毛放過卽且置尊者策起眉  
毛又作麼生還會麼當臺一鑑明如日萬古晴空絕  
是非上晉白槌云諦觀法王法法王法如是下座

上堂舉僧到金峯方叅禮峰云我有一則因緣舉似  
你只是不得鎔會僧云請和尚舉峰豎起拂子僧作  
聽勢峯云早鎔會了也僧以目顧視便出峯云雪上  
加霜師云金峯坐釣四海只釣鯨龍者僧雖然清波  
有路未免貪他香餌敢問大眾畢竟作麼生是金峯

爲人處還會麼見月休觀指歸家罷問程

上堂僧問九旬禁足此意如何師云理長卽就僧云  
只如六根不具底還禁得也無師云穿過鼻孔僧云  
學人今日小出大遇也師云降將不斬僧云恁麼則  
和尚放某甲逐便也師云停囚長智僧禮拜師乃云  
朱明啓候九夏初臨四海高人罷搖金錫心猿頓歇  
意馬休征戒潔滄海之珠性朗碧天之月纖塵莫染  
帝網交光離相絕名真機獨露正當恁麼時安居一  
句作麼生道誰知鷲嶺當年事一念迴光尚宛然  
上堂僧問如何是截鐵之言師云滿口含霜僧云何

撰述  
虎丘陸和甫詩  
四  
必如是師云闍黎又作麼生僧云痛領一問師云也  
須吐却僧禮拜師乃云造化淵源情同止水天地同  
根萬物一體統三界以爲家作四生之依倚全大用  
顯大機擊碎驪龍明珠敲出鳳凰五色髓敢問諸  
仁且作麼生是造化之淵源不得春風華不開華開  
須藉春風力

上堂云豁開戶牖萬里不掛片雲杲日騰空四顧清  
風滿座湖光浩渺野色澄明萬象森羅全彰海印直  
得頭頭妙用物物真機心境一如纖塵不立正當恁  
麼時萬機休罷千聖不攜坐斷毗盧頂不稟釋迦文  
婢視聲聞奴呼菩薩德山臨濟直得目瞪口呆有棒  
有喝一點也用不著且道忽遇其中人來時如何傾  
蓋相逢元故舊何妨來喫趙州茶

請知事上堂掩室摩竭杜口毗耶面壁九年黃梅夜  
渡點檢將來翻成計較殊不知日不待火而熱月不  
待風而涼雲從龍風從虎作無作爲無爲恁麼會得  
便能恢張法席毗贊叢林共建法幢流通正脉敢問  
大衆據令一句作麼生道祇園今古饒春色采采渾  
開薈萄華

宣州彰教禪院語錄

上堂僧問以一重去一重時如何師云鈍鳥離巢僧云不以一重去一重時如何師云劈箭急僧云只如睦州道昨日栽茄子今日種冬瓜又作麼生師云眼觀東南意在西北僧云謝師答話師云老僧今日失利師乃云者僧恁麼問老僧恁麼答且道見睦州意不見睦州意若道見睦州意且道睦州是什麼意若道不見睦州意適來一問一答不可徒然彰敎今日更開一路與汝諸人東行西行驀拈拄杖卓一卓喝一喝

上堂悠悠世事空浮沉自愛白雲歲月淡舉眼盡非凡草木剛然斷臂覓安心雖然如是事無一向拈拄杖云達磨來也在山僧拄杖頭上爲諸人說安心法門還信得及麼若信得及當下便心安其或未然海枯終見底人死不知心

上堂摩竭掩室毗耶杜詞斯皆理爲神御故口以之而默豈曰無辯辯所不能言也放出陝府鐵牛觸殺嘉州大像撞透天關掀翻地軸看看磕破諸人髑髏還有識痛痒者麼良久云萬山不隔今宵月一片清光分外明

上堂僧問古人道盡乾坤大地梳來如粟米粒大撒



向諸人面前漆桶不會打鼓普請看未審此意如何  
師云一畝之地三蛇九鼠僧云未曉師意乞師再坐  
指示師云海口難宣僧云盡大地既如粟米粒大只  
如森羅萬象人畜艸芥著在什麼處師云此問不惡  
僧云豈無方便師云棒打不效僧禮拜師云救得一  
半師乃云寰中天子敕塞外將軍令一句定乾坤一  
劍平天下便見時康道泰四海晏清向我衲僧門下  
又且不然拄杖子吞却乾坤了也綿綿不漏絲毫何  
處更有一物與諸人爲緣爲對還會麼良久云各請  
歸堂喫茶去

上堂牛頭沒馬頭迴渠無國土無位真人突出難辨  
甚處逢渠擊石火閃電爇得不得未免喪身失命且  
風恬浪靜一句作麼生道善財別後誰相識樓閣門  
開竟日閑

謝鑄鑊街坊上堂渠無面目底千聖不敢近方解入  
林不動艸入水不動波變大地作黃金攪長河爲酥  
酪寸絲不掛通身無影像便能入荒田不揀信手拈  
來頭頭上顯物物上明收放臨時更無滲漏所以道  
諸方說禪浩浩地爭如我栽田博飯喫直饒居士漢  
懷樂施也未免剗囚成瘡檢點將來未忘取捨南泉



打破粥鍋雖則先前絕後因甚衆人之物將爲自己  
受用如今要全舊日家風須是重新鑄造雖然一動  
一靜一進一退總未有事在畢竟作麼生還會麼有  
意氣時添意氣不風流處也風流

解夏上堂僧問雲門達磨九年面壁意作麼生門云  
念七未審古人意旨如何師云還丹一粒點鐵成金  
僧云學人爲什麼失卻鼻孔師云與達磨雪屈師乃  
云有佛處不得住上無攀仰無佛處急走過下絕已  
躬從來無向背本自絕羅籠出門撞著須菩提寸草  
不生千萬里自是長鬚鳥休言芳樹不棲謾自說禪  
說道摩斯吒直饒心掛樹頭未免身沉海底莫動著  
動著三十棒且置休夏自恣一句作麼生道青山綠  
水元依舊明月清風共一家

上堂十方義聚互作主賓明眼知音同心相照秉智  
慧刀握靈蛇珠光耀禪林揮戈佛日臨機顧揖格外  
風規乖手人間隨方善應直得似地擎山不知山之  
孤峻如石含玉不知玉之無瑕正當恁麼時忽遇其  
中人來如何通信還會麼泣露千般艸吟風一樣松  
上堂行不犯之令明古今風月靈機常獨耀萬象悉  
澄徹更說什麼正法眼藏瞎驢邊滅無計較中翻成

計較無途轍中翻成途轍一時與你截斷秤鎚硬似  
鐵別別八月秋何處熱下座

謝知事上堂萬里浮雲捲碧天年年此夜十分圓令  
人轉憶寒山子說似吾心恰宛然所以道欲明怎麼  
事還他怎麼人若是怎麼人須明怎麼事便能以此  
心相照以此心相知扶持野老無盡家風成就叢林  
萬世基業其把定也離念絕塵更無滲漏其放行也  
炎生瓦礫和氣靄然高低普應前後無差且道此人  
成得箇什麼邊事還委悉麼將此身心奉塵刹是則  
名爲報佛恩

上堂十五日已前且怎麼折合更不周由者也十五  
日已後見成公案未曾動著正當十五日諸人作麼  
生通箇消息直饒向昧兆未萌文彩未彰時會去正  
落第二月且作麼生是第一月還會麼九年孤坐少  
人識千古風光照天地

上堂僧問如何是大道真源師云和泥合水僧云便  
怎麼去時如何師云截斷草鞋跟師乃云大道只在  
目前要且目前難觀欲識大道真體不離聲色言語  
風吹不入處和泥合水和泥合水處風吹不入如今  
不免又向頭上安頭乃豎起拂子云還見麼者箇是

色復呵呵大笑云者箇是聲大道真體在什麼處繡  
出鴛鴦無背面不知誰解覓金針

上堂眼裏不著沙耳裏不著水堪笑老俱胝無端豎  
一指諸禪德且道誰是解笑者還會麼開市拶出憍  
尸迦吃寮舌頭三千里

上堂大智圓明體無向背凝然湛寂彌滿太虛覆蓋  
乾坤常光獨露削蹤滅跡離相絕名正當恁麼時本  
地不動一句作麼生道一切水月一月攝

上堂僧問請師答話師云火雲燒空僧云且道虛空  
還有變易也無師云飽粥飽飯僧云恁麼則有變易  
去也師云客作漢有什麼變易師乃云炎暑蒸人汗  
似湯鹽官用底豈尋常輕搖休問犀牛在拈出清風  
宇宙涼諸禪德向什麼處見鹽官老子若也見得恩  
大難酬其或未然汗流浹背曾施力一到中秋便負  
心

上堂舉馬大師翫月次問西堂正當恁麼時如何堂  
云正好修行次問百丈丈云正好供養又問南泉泉  
抽身歸衆馬祖云經歸藏禪歸海惟有普願獨超物  
外師云奇怪諸禪德馬駒踏殺天下人一摑直須一  
掌血及乎三大士各展家風不覺翻成老婆心切叢

撰述  
林浩浩商量盡道翫月話奇特檢點將來克由耐耐  
何故三人證龜成鱉

施主請陞座僧問如何是佛法的大意師云虵頭  
生角僧云未審意旨如何師云會即便會僧云只如  
臨濟三度喫棒還甘也無師云若不甘爭得悟去僧  
云某甲因甚不悟師云汝皮下無血僧云和尚也不  
得壓良爲賤師云不勞再勘師乃云緣會而生如天  
忽雲乘彼願力現宰官身緣離則滅了妄全眞入不  
二門超凡越聖一出一沒一動一靜亘古亘今混去  
來絕對待不可以識識不可以智知乾坤不能蓋載

萬象無以覆藏一道清虛靈光湛寂如斯告報只要  
知歸若也情存限量落在見聞纔涉思量白雲萬里  
不落諸緣一句作麼生道還委識麼大千沙界海中  
漚一切聖賢如電拂

上堂一滴水一滴凍喝下風雷彰大用棒頭點出眼  
睛來照了諸相悉空洞出門撞著須菩提撥破虛空  
全體露一片虛疑絕謂情萬里清炎飛玉兔

上堂目前無法萬象森然意在目前突出難辨不是  
目前法觸處逢渠非耳目之所到不離見聞覺知雖  
然如是也須是踏著它向上關捩子始得所以道羅

籠不肯住呼喚不迴佛祖不安排至今無處所如是則不勞歛念樓閣門開寸步不移百城俱到驀拈拄杖劃一劃云路逢灰蛇休打殺無底籃子盛將歸上堂僧問古人到者裏因甚不肯住師云老僧也恁麼僧云忽然一刀兩段時如何師云平地神仙師乃云離四句絕百非闌外風炎誰得知牛頭沒馬頭迴空生岳畔碧崔嵬一口吸西江一句該萬象一月普現一切水一切水月一月攝重重主伴歷歷交參品彙茲彰人天正眼如斯告報只要知歸苟或未然便見生灰交謝寒暑迭遷北里豪家昨日歌吟今日哭且作麼生是闌外風光還相委恁麼了了了時無可了玄玄玄處亦須呵

平江府虎丘雲巖禪寺語錄

上堂舉溪明二上座同行見一魚跳出網中明云俊哉恰似箇衲僧相似溪云何似當時不入網好明云溪兄你猶欠悟在深行數里方悟師云明上座鉤頭有餌溪禪老一釣便上虎丘當時若見待他道溪兄你猶欠悟在只對道今日網得一箇不獨塞斷明上座口且要千古之下免人怪笑山僧亦有箇縵天網子遂舉起拂子云還見麼山僧喚作拂子了也諸人

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

唐王維詩話

十一

且喚作什麼若喚作拂子未出山僧網子在若不喚作拂子行腳眼在什麼處是汝諸人還見虎丘爲人處麼三汲浪高轟霹靂一聲透過禹龍門

上堂灸非照境境亦非存光境俱忘復是何物百艸頭上罷却干戈則且置忽若嘉州大像倒騎陝府鐵牛把須彌山一捆百襍碎新羅國裹走馬南瞻部州說禪又作麼生五臺山上雲蒸飯佛殿堦前狗尿天上堂日日東出日日日西没人命在呼吸百年輕倏忽驀地得逢渠掀翻生处窟放出遼天鶻萬重雲一突

聖節上堂示現天宮補處身堯風舜日耀乾坤今朝共祝南山壽萬國來朝萬乘尊

傳樞密請陞座僧問萬機休罷千聖不攜時如何師云未足觀灸僧云還有奇特事也無師云獨坐大雄

峯僧云怎麼則主山高案山低去也師云一切坐斷僧云爭柰目前何師云汝待換老僧舌頭那僧云今日被王老師捉敗也師云放汝一路僧云和尚容某甲問話去也師云灰中得活師乃云佛語心爲宗一切卽一無門爲法門一卽一切是汝諸人高肩拄杖

天下橫行還踏著此門也未若也踏著此門年年是

支那

卷之五十四

十一

好年月月是好月日日是好日時時是好時明如杲  
日寬若太虛三世諸佛以此門生凡育聖廣利羣品  
歷代祖師以此門以心契心流通正續天下宗師以  
此門揭示人天眼目提持向上一路乾坤以此門爲  
覆藏日月以此門爲照臨四時以此門爲寒暑國王  
以此門治天下百官以此門盡忠盡孝庶人以此門  
治生產業衲僧以此門撥轉天關掀翻地軸失口說  
著佛之一字漱口三年雖然如此事無一向者或尚  
畱門外不免露箇消息去也遂拈拄杖云還見麼復  
卓一卓云還聞麼已爲諸人八字打開了也直須無

見而見是名真見無聞而聞是名真聞無說而說是  
名真說真見真聞真說是什麼熱枕鳴聲豈不見道  
從無住本流出萬端便知歿故太夫人於無相中示  
現受生一切諸相悉皆真實於無滅中示現入滅一  
切生滅之相本來空寂凝然不動正體如如亘古亘  
今曾無變易正當恁麼時畢竟如何風恬波浪靜直  
下見青天

復舉陸巨大夫問黃蘗和尚云弟子家中有一片石  
亦曾行亦曾坐欲鐫作佛得麼蘗云得大夫云莫不  
得麼蘗云不得師云黃蘗雖似鏡之臨形胡來胡現



漢來漢現只是不通檢點當時待七道弟子家中有一片石亦曾行亦曾坐欲鑄作佛得麼只對道莫惱高名鑄石上維摩傾盡此時心

上堂大地撮來粟米粒一毛頭上現乾坤居家不離途中事常在途中不出門喝一喝

留首座上堂田地穩密鬼家活計從空放下坐井窺天虎止門下不說老婆禪只要諸人眼橫鼻直三十年後免得敲顛打瓦何故物宜求新人宜求舊不起于座現諸威儀且道出格一句作麼生良久云落霞與孤鶩齊飛秋水共長天一色

滕樞密宅請陞座僧問雪峯示衆道盡大地是箇解脫門把手牽不入未審在門外者是什麼人師云胡張三黑李四僧云爲什麼不肯入師云他具行腳眼僧云恁麼則穿過從上祖師鼻孔去也師云闍黎還跳得出麼僧云若然者三步雖活五步須死師云猶欠一問在僧云和尚豈不是爲學人著灸師云錯認定盤星僧禮拜師乃云世尊出世爲一大事因緣祖師西來直指人心見性成佛所以道佛佛授手祖祖相傳便有教外別傳不立文字單提直截究本明宗令一切人離諸執著況此一事不以心思不以意想

思慮知解盡是鬼家活計若是向上人赤條條地直  
向父母未生前承當卻來者邊行履出生入死得大  
解脫要識諸佛出世處處現在諸人脣毛眼睫上轉  
大法輪演說摩訶般若離四句絕百非要識祖師西  
來意麼現在諸人六根門頭晝夜放大光明交光相  
羅如寶絲網以至山河大地艸木叢林盡在諸人大  
光明中發現只如光未發時上無諸佛下無衆生消  
息是汝諸人向什麼處安身立命若也知得去處便  
知故樞密相公落處苟或未然萬古碧潭空界月再  
三撈捩始應知

上堂摩竭陀國親行此令驀拈拄杖卓一卓云大盡  
三十日小盡二十九

任觀察請陞座顧視大眾云還會麼塵劫來事盡在  
如今好不資一毫醜不減一毫謂之萬法根源千聖  
窟宅空洞無像緣會卽彰所以道淨法界身本無出  
沒大悲願力示現受生與無緣慈示殊勝相作不請  
友開方便門明大機顯大用發大智自利利它生凡  
育聖從無住本流出萬端於是應以宰官身得度者  
卽現宰官身而爲說法應以長者居士等身得度者  
卽現長者居士身而爲說法如天普蓋似地普擎出

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述下

廣上隆和堂藏

廿九

沒卷舒得大解脫敢問大衆且道其中人畢竟作麼  
生還會麼芥城有盡年無盡長在堯天日月傍  
上堂凡有展拓盡落今時不展不拓墮坑落塹直饒  
風吹不入水洒不著檢點將來自救不了豈不見道  
直似寒潭月影靜夜鐘聲隨扣擊以無虧觸波瀾而  
不散此猶是生灰岸頭拈拄杖劃一劃云劃斷生法  
師多年葛藤點頭石不覺撫掌呵呵大笑且道笑什  
麼腦後見腮莫與往來  
上堂當陽正體露堂堂休謂當年付飲爇彼旣丈夫  
我亦爾莫將好肉更剝瘡

堂與陳操大夫到資福資福見來便畫一圓相尚  
書云弟子恁麼來早是不著便更畫圓相福便掩卻  
門師云資福買鐵得金一場富貴是則是爭柰公案  
未了今日諸大士入山相見山僧不畫圓相亦不掩  
卻方丈門且道與資福老人是一是二還知落處麼  
竹院相逢無一事大家同喫趙州茶

上堂百鳥不來春又暄凭欄溢目水如天無心還似  
今宵月照見三千及大千

上堂放一線道曲爲今時性地未明須憑指注還見  
麼直得山從海湧塔聳雲霄非風鈴鳴我心鳴耳不

支那

東京大學藏

勞歛念樓閣門開頭頭現彌勒家風歷歷顯文殊境  
界還同按指海印發光萬象森羅纖塵不立如印印  
空如印印泥如印印水起無前後迴絕見知覲面提  
持更無迴互還有當陽證據得底麼豈不見生公臺  
畔空落雨華頑石點頭妄通消息雖然如是忽然撞  
著德山臨濟老漢放過卽不可若不放過驀拈拄杖  
卓一卓云填溝塞壑無人會千古萬古黑漫漫

上堂一二三四五梅雨蒸炎暑碓觜也生華道芽知  
幾許古佛與露柱交叅猫兒咬殺猛虎下座  
叅假上堂病起雲山艸木秋浮華世事謾悠悠從來

萬法不爲侶何似韶陽六不收喝一喝下座

請修造上堂如來三轉於大千趙州半藏亦如然其  
輪本來常清淨一念承當誰後先雖然也是箇英靈  
漢始得便乃橫身擔荷紹續宗風立吾家萬世不朽  
之功顯大丈夫特達之志抱荆山玉握靈蛇珠光耀  
叢林揮戈佛日直得龍吟霧起虎嘯風生象王行處  
絕狐蹤獅子窟中無異獸雖然如是且道應緣坐手  
一句作麼生道梅檀葉葉古風清吹落人間香馥郁  
上堂葉落歸根來時無口不留朕跡騰身北斗火裏  
唧螻吞卻嘉州大像益州馬腹不覺膨脹燈籠露柱

大笑拾得寒山撫掌還會麼莫待是非來入耳從前  
知已返爲雙言

上堂靈機密運日月旋流四象推遷一陽來復化育  
之本匝地普天草木昆蟲悉承恩力且作麼生是化  
育之本良久云一氣不言含有象萬靈何處謝無私  
復舉僧問南院日月交謝寒暑迭遷如何是不涉寒  
暑者院云紫羅抹額繡裙腰僧云向上之機今已曉  
中下之流如何解會院云炭庫裏藏身師云問既有  
示答亦驚羣雖然如是南院只解觀根這器應病與  
不虎丘更資一路或有僧問日月交謝寒暑迭遷如

何是不涉寒暑者對它道前村淡雪裏昨夜一枝開  
待它又問向上之機今已曉中下之流如何解會對  
它道買帽相頭

謝知事頭晉上堂鋒芒未露如天普蓋古帆未掛似  
地普擎所以道天不言四時行焉地不言萬物生焉  
萬物生則遷謝不停四時行則寒暑流轉各居其位  
去寒時大家寒熱時大家熱是法住法位世間相常  
住無一法不爲妙用無一物不爲真如處處真無迴  
互塵塵爾絕承當須是其中人方能恁麼去便能橫  
身擔荷翊贊叢林自利利他得大解脫其或未然好

事不須頻話會畱將和氣暖丹田

上堂脫身已曉南柯夢始覺人間萬事空吹起還鄉  
無孔笛夕陽斜照碧雲紅

上堂從來無相貌森羅萬象歷然超出威音王當機  
無向背所以道昭昭於心目之間而相不可觀晃晃  
於色塵之內而理不可分通古通今凝然湛寂蓋聲  
蓋色正體如如諸人若善參詳要且卽非外物盡是  
各各當仁屋裏事豈不見釋迦老子見明星悟道便  
云我觀一切衆生俱有如來智慧德相皆爲妄想執  
著而不證得如今只要諸人心空境寂內外無依方

有自由分還恁麼證據得麼其或未然未明心地印  
難過趙州關

爲圓悟和尚舉哀云釋迦已滅彌勒未生正當今日  
流通佛祖正脉委在我圓悟禪師和尚直得七據  
寶剎統三界以爲家四海馳聲作羣生之眼目不謂  
法幢摧折佛日掩爰後學無聞叢林失所雖然如是  
盡落今時何故豈不見道淨法界身本無出沒旣無  
出沒師今不歿我何疑惑大衆旣然不死還知圓悟  
老人落處麼若也知得落處不勞指注儻或未然仰  
師之道地久天長卻請眞前大家燒香

撰述  
復指真云見麼拘尸城畔當時大事曾興濯錦江頭  
此時還循舊轍放兌現瑞攝化歸真法海珠沉人天  
眼滅雖然如是恁麼中有不恁麼不恁麼中却恁麼  
便見無生灰中示有生死無去來而示有去來雖然  
更且無生灰去來之相故我圓悟禪師大和尚禪河  
渺邈津濟無窮名動至尊道滿天下且能事已畢隻  
履西歸穩坐家堂末後一句作麼生道諸人若向者  
裏道得圓悟老人猶在若不然者與諸人道去也良  
久却顧侍者云道什麼遂舉哀

眞贊

贊達磨祖師

闔國人難挽西攜隻履歸只應熊耳月千古冷光輝  
塔銘

宋臨濟正傳虎丘隆和尚塔銘

左朝奉司農少卿徐林撰

菩提達磨壁觀少室斥相指心號曰禪宗五傳而至  
曹溪逮今幾五百年枝流繁衍異人間出得果得辯  
前後相踵如薪續火可謂盛矣乎江虎丘禪師諱紹  
隆和州含山縣人生而岐嶷絕俗九歲謝父母去家  
依縣之佛慧院又六歲削髮受具又五歲而束包曳

杖飄然有四方之志。晉遇長蘆淨照禪師。叅扣之間。景響有得。因閱圓悟勤禪師語錄。撫卷嘆曰。想醉生液。雖未能澆腸沃胃。要且使人慶快。弟恨未親聆。磬欵爾。於是欲訪之。復至寶峯謁湛堂準禪師。準曰。如何。是行脚事。師露胸示之。曰。和尚驗看。準卽打師約住。曰。且莫盲枷瞎棒。準大笑。因畱年餘。迺謁成心於黃龍。心問曰。是甚麼僧。師曰。行脚僧。心曰。是何村僧。行甚驢脚馬脚。師曰。廣南蠻道。甚麼。何不高聲道。心喜曰。却有衲僧氣息。師乃喝退。而叅堂度一夏。心甚器重之。每嘆曰。再來人也。死心機鋒。橫出諸方。吞燄

非上上根。莫能當。而於師重稱賞。衆皆側目。已而趨夾山。見圓悟道龍牙山。遇泐潭乾之法子密禪師。相與甚厚。每研推古今。至投合處。抵掌軒渠。或若佯狂。議者謂今之瀉仰寒拾也。久之辭去。遂至夾山。會圓悟。移道林師從焉。一日入室。圓悟引教云。見見之時。見非是。見見猶離見。見不能及。豎拳曰。還見麼。師曰。見圓悟曰。頭上安頭。師於此有省。圓悟復曰。見箇甚麼。師曰。竹密不妨流水過。圓悟肯之。自此與圓悟形影上下。又二十年。斧捺鑿索。盡得圓悟之秘。師以二親垂白。歸寓鄉郡。褒禪山蓋修摩耶。勿利故事也。繼



撰述  
受請住城西之開聖寺四衆翕然歸仰建炎之亂盜  
起淮上乃南渡宣城士庶素欽師名爲結廬銅峯下  
適彰教虛席郡守李尚書光延師居之道化益振四  
年而遷虎丘時圓悟以時未平泛峽歸蜀曩之幅湊  
川奔一時後生望山而趨師每登座從容示露一味  
平等隨根所應皆愜其欲故圓悟之道復大播於東  
南諸方謂圓悟如在也居三年感微疾白衆曰當以  
第一座宗達承院事衆請於郡從之事旣索筆大書  
伽陀曰無法可說是名說法所以佛法無有刺語珍  
重擲筆坐逝寶紹興六年丙辰歲五月甲午八日乙

亥也建塔於山之陽凡住世六十年坐四十五夏度  
弟子復如等六十人嗚呼佛法有正派有旁枝曹溪  
之世衣止不傳雖曰法源入海汪洋大肆而西土般  
若多羅識記特在馬駒厥後五宗惟臨濟一門出馬  
祖後於今最盛圓悟近代尊宿宗眼超卓才辯縱橫  
若鱗角獨立而師又深入其室是可嘉也林謂道德  
之重不待家諭戶曉而知言白雲卽知爲端言東山  
卽知爲演言虎丘卽知爲師也真能壽楊岐光明盛  
大之傳而永臨濟於無窮者矣不銘何以詒其後銘  
曰

於穆初祖一花東土識至馬駒益昭益著派衍而繁  
 實惟圓悟圓悟得師以馬之馮大坐虎丘雷動雲鷺  
 臨濟中興楊岐再住隻履忽西聿嚴龕墓有神有天  
 來訶來護咨爾後昆展轉流布

左春坊立贊善兼編修崑山顧紹芳施贊刻此  
 虎丘隆和尚語錄一卷 昌黎沙彌釋淨稷對  
 槎溪王國英書 溧水端繼慧刻  
 萬曆壬辰春五臺山妙德庵識

虎丘隆和尚語錄終



三十一

